



Նախագահ  
Սյուզան Չ. Փորթեր  
Երեխաների միության  
գերագույն նախագահ

**ՈՒՆՏԻ  
ՀԱՐԱԲԵՐՈՒԹՅՈՒՆՆԵՐ**

Նախագահ Նելսոն  
ուսուցանել է, որ  
Երկնային Հայրը հատուկ  
սեր է տաժում նրանց  
հանդեպ, ովքեր ուխտեր  
են կապում Իր հետ։\*  
Երբ մենք մկրտվում  
ենք և հաստատվում՝  
խոստանում ենք Նրան  
լինել նվիրված ու  
հավատարիմ։ Նա նույն  
խոստումն է տալիս մեզ։

# Ձեր շնորհիվ շատ բան կարող է փոխվել

Երկնային Հայրը և Հիսուս  
Քրիստոսը շատ են սիրում  
ձեզ։ Նրանք հրավիրում են ձեզ  
ուխտեր կամ խոստումներ կապել  
Իրենց հետ, քանի որ սիրում են  
ձեզ։ Դուք սկսում եք կապել այդ  
խոստումները, երբ մկրտվում եք։  
Ձեր մկրտությունից հետո դուք  
ստանում եք Սուրբ Հոգու պարգևը։  
Դուք դառնում եք Հիսուս Քրիստոսի  
Վերջին Օրերի Սրբերի Եկեղեցու  
անդամ։ Դա նշանակում է, որ  
Երկնային Հայրը վստահ է, որ  
դուք կպահեք ձեր ուխտերը։  
Որպես Եկեղեցու լիիրավ  
անդամ՝ ի՞նչ կարող եք անել ձեր  
ուխտերը պահելու համար։ Դուք  
կարող եք ողջունել մյուսներին  
Երեխաների միությունում։ Դուք  
կարող եք նստել նորեկի կողքին  
և օգնել նրան սովորել երգերը։  
Դուք կարող եք օգնել Երեխաների  
միության միջոցառումների  
կազմակերպման հարցում։ Դուք  
կարող եք նաև առաջնորդ լինել  
ձեր ընտանիքում։ Դուք կարող եք  
խնդրել, որ ընտանեկան աղոթք  
ասվի կամ կիսվել Երեխաների  
միությունում ձեր սովորածով։


Սուրբ Հոգին  
ստանալուց  
հետո ուրիշների  
կարիքները  
կարող եք  
տեսնել նոր

ձևով։ Դուք կարող եք աղոթել  
Երկնային Հորը և ասել. «Օգնիր  
ինձ իմանալ, թե այսօր ում կարող  
եմ օգնել»։ Այնուհետև Սուրբ Հոգին  
կօզնի ձեզ նկատել ինչ-որ մեկին,  
ով մենակ է նստած, կամ կհուշի, որ  
ողջունեք ընկերներից որևէ մեկին։  
Ձեր շնորհիվ շատ բան է փոխվում,  
երբ որոշում եք օգնել ուրիշներին։  
Դուք գործում եք որպես Երկնային  
Հոր Եկեղեցու անդամ։  
Երկնային Հայրը սիրում է ձեզ։  
Նա ցանկանում է, որ դուք ձեր  
օրինակով առաջնորդեք, ուր էլ  
որ գնաք, որպեսզի կարողանաք  
մարդկանց մոտեցնել Իրեն։  
Բայց դուք չպետք է դա անեք  
ինքնուրույն։ Երկնային Հայրը  
և Հիսուս Քրիստոսը երբեք չեն  
դադարի օգնել ձեզ։ Դուք կարող  
եք վստահ լինել, իմանալով, որ  
Նրանք ձեզ հետ են։ Դուք կարող  
եք պատկերացնել Հիսուսին՝  
միշտ կանգնած ձեր կողքին։ ●

*Հատված Օլիվիա Քիթերմանի և  
Ռեյչըլ Փիթերսոնի հետ անցկացրած  
հարցազրույցից։*

**Ո՞ւմ կարող եմ  
օգնել այսօր։**  
Գրեք ձեր գաղափարները  
թղթե շղթայի վրա։

ՆԱԽԵՐԸ: ՋԱՐԻՆ ԲԱՅԱՆՈՒՄԻ



## Ընկերների շղթա

1. Կտրեք-հանեք սպիտակ  
հատվածը դեպի աջ։  
Կամ ուրվագծեք նմուշը  
մեկ այլ թղթի վրա՝  
կտրելու համար։
2. Գծերի երկայնքով  
ծալեք թուղթը հետ ու  
առաջ՝ հովհարած։
3. Կտրեք-հանեք մարդու  
ուրվագիծը։
4. Բացեք այն և  
կտեսնեք ձեռքերը  
բռնած ընկերների  
շղթա։ Զարդարեք  
ընկերներին,  
որպեսզի նմանվեն  
այն մարդկանց, ում  
դուք սիրում եք։



\* «Հավիտենական ուխտը»,  
Լիառնա, հոկտ. 2022, 4-11: